

醫

燈

續

焰

醫燈續焰目錄

卷之十二

脹滿脉證第七十一

枳實理中湯

見第十七

金匱厚朴七物湯

仲景大柴胡湯

寶鑑晞露丸

寶鑑木香通氣散

寶鑑見睨丸

寶鑑和血通經湯

積聚脉證第七十二

濟生大七氣丸

東垣肥氣丸

東垣息賁丸

金匱鼈甲煎丸

東垣伏梁丸

半夏湯

東垣痞氣丸

東垣奔豚丸

三因奔豚湯

萬病紫苑丸

見第三十二

太無神功助化散

寶鑑醋煮三稜丸

寶鑑聖散子

三聖散

控涎丹

見第十二

雲岐牡丹散

三因化氣丸

見第三十二

保和丸

見第三十七

沉香化氣丸

中惡脉證第七十三

蘇合香丸

見第十八

調氣平胃散

六君子湯

見第十六

香砂四君子湯

見第十六

千金返魂湯

見第三十五

玉樞丹

見第六十三

華佗救中惡方

又方

又方

解砒毒

解附子天雄川烏斑蝥毒

解河魴毒

解巴豆毒

解諸藥毒

解刺毛虫毒

解鬱肉漏脯毒

解馬肉毒

解牛肉毒

解犬肉毒

解中箭死鳥獸肉毒

解諸魚毒

解蟹毒

解諸果毒

解諸菌毒

解野芋毒

解閉口椒毒

解水蓼莖葉毒

解芹菜毒

解貪食成病

解諸食物毒

卷之十三

癰疽脉證第七十四

遠志酒

獨勝散

人參敗毒散

見第三十七

飛龍奪命丹

蟾酥丸

真人活命飲

護心散

防風通聖散

見第六十

神効托裏散

正鐵穉散

鐵井欄

補中益氣湯

見第二十

玉樞丹

見第六十三

十全大補湯

見第十六

當歸補血湯

見第十六

神仙太乙膏

替針丸

六君子湯

見第十六

國藥

金絲萬應膏

八珍湯

見第十六

疥瘡大楓膏

桃花隔紙膏

千槌膏

烏龍膏

麥飯膏

精要神異膏

內托復煎散

神仙蠟礬丸

癰疽收口藥

比天膏

仙傳萬靈膏

解輕粉毒

花蕊石散

卷之十四

肺癰脉證第七十五



金匱甘艸乾薑湯

金匱葶藶大棗瀉肺湯

金匱桔梗湯

見第三十二

仲景炙甘艸湯

見第三十五

千金甘艸湯

千金生薑甘艸湯

千金桂枝去芍藥加皂角湯

外臺桔梗白散

千金葶藶湯

渴白散

四物湯

肺癰神方

濟生排膿散

又排膿散

肺癰收口方

又肺癰方

治吐膿血方

又治肺癰方

試肺癰法

腸癰脉證第七十六

薏苡附子敗醬散

大黃牡丹湯

萬氏治腸癰方

薏苡仁湯

四聖散

神仙蠟礬丸

見第七十四

雲母膏

排膿散

世宗憲皇帝卷十二

錢塘從學潘 楫碩甫註

同邑社盟王佑賢聖翼評

俞其恒子占

門人張其旋上有校

陳梅售曾詠

脈滿脈證第七十一

滿脈弦。土制於木。濕熱數洪。陰寒遲弱。浮爲虛滿。

清腹之漸  
康乃滿之極

在內陰之

緊則中實。浮大可治。虛小危極。

脹。謂脹于外。滿。謂滿於中。排藏府而郭胸脇。急皮  
膚而露筋脉。臍凸腰圓。鼓之如鼓。胸腹之疾也。間  
亦有脹及于頭面四肢者。與水腫大同小異。而此  
則無水耳。大抵飲食不節。起居失宜。房室過勞。憂  
思無極。久久皆足以耗其守陰。衰其陽運。致氣壅  
滯。留中。而脹滿之疾漸起矣。故實者少。虛者多。熱  
者少。寒者多。成於他藏府者少。成于脾胃者多。益

虛則氣空浮。故易鼓而大。寒則氣凝滯。故易壅而  
堅。脾胃居中。以胸腹爲宮城。屬土而化濕。性緩氣  
屯。故亦易脹。易滿。此但言其常耳。至若五藏六府  
盛衰之脹。五運六氣勝負之脹。有實者。有熱者。有  
成于他藏府者。又不能以此數端盡也。在圓機者。  
自爲審別。再宜參看張景岳水脹一論。斯得之矣。  
靈樞諸脹。則有本神篇所云。腎氣實則脹。腎主藏  
藏已中  
實而更加以實。其  
爲脹也。不言可知。經脉篇所云。胃病則大腹水腫。

胃屬土而主中焦土病不能制水則水汎濫而腹大矣又云胃中寒則腹

寒則氣滯又云足太陰虛則鼓脹脾足太陰主運

而產寒故又云足太陰虛則鼓脹虛則不運不運

則脹虛則空邪氣藏府病形篇所云三焦病者腹

故如鼓也故如鼓也邪氣藏府病形篇所云三焦病者腹

氣滿小腹尤堅不得小便窘急溢則水留即為脹

候在足太陽之外大絡三焦主氣為遊行之部病

如是是在太陽者三焦聯絡膀胱耳熱病篇所云男子如蠱女子如

蠱也阻滯如懷孕皆形容腹之大素問諸脹則

有脉解篇所云太陰所謂病脹者太陰子也十一

五、諸物氣皆藏于中。故曰病脹。亦氣藏而中實，故病如是。大奇

論所云。肝滿。肺滿。腎滿。皆實。卽爲腫。肺之壅。喘而

兩肘滿。肝壅。兩肘滿。卧則驚。不得小便。腎壅。肘下

至少腹滿。脛有大小。髀胕大跛。易偏枯。肺主氣而呼吸應兩

肘。肝主驚。主疏泄而經兩肘。腎經脛與髀胕而少

腹乃其部分。故肺壅實則氣喘而兩肘滿。肝壅實

則肘滿。卧驚而髀胕小。便腎壅實則調經論所云。志有

少腹滿而脛胕跖大跛偏枯。餘則腹脹。志爲腎所藏。有餘則實。實則脈要精微

論所云。胃氣實則脹。胃脉下膈屬胃絡。脾其支者起于胃口。下循腹裏。實則經

脉瀧湧。陰陽應象大論所云。中滿者。瀧之于內。中滿

故脹。實則從內瀧之。如攻下之類。若虛滿。虛脹瀧之。反成其害也。不可不審。又云。瀧氣在

上。則生臌脹。清陽上升。濁陰下降。濁不降。而陰滯于上。臌脹生焉。生氣通天

論所云。因于氣爲腫。四維相代。陽氣乃竭。氣者榮衛藏府

之氣也。流行如常。何腫之有。設或不調不順。則壅滯而形腫于外。四維乃人之四肢。爲諸陽之本。更

代俱病。陽氣不從此衰竭乎。卽本篇所云。失之則外壅肌肉。衛氣散解之義。太陰陽明

論所云。飲食不節。起居不時者。陰受之。陰受之。則

入五藏。入五藏。則臌滿閉塞。飲食起居爲內傷。內傷則陰受之。而入藏。



故內則病腹滿閉塞也。平人氣象論所云。盛而緊曰脹。此言

之脈也。盛則氣實緊則氣強。皆中有餘邪故脹。異法方宜論所云。藏寒生

滿病。此言脹病生于方土也。北土地寒乳酪爲食。外寒飲而內滯。故滿病生焉。五常

政大論所云。適寒涼者脹。適往也。之往寒涼之處。外閉內鬱故脹。刺

熱篇所云。下牙車爲腹滿。此言外部之色。應腹中而知脹滿也。牙車卽牙

床轉動之疾。牙車之下正應腹中腹脹者。牙車下當見青白色。青白爲寒。寒則凝滯故脹也。金

匱要畧論諸脹滿有云。跌陽脈微弦。法當腹滿。不

滿者。必便難。兩胠疼痛。此虛寒從下上也。以溫藥

虛滿則有時  
瀉

卷之二

四

服之。微弦之脈陽不能運腹自當滿設不滿亦當便難兩脇痛正不運不通故耳然見于胃足

跌陽之脈則知虛寒自下逆上也服以溫藥則能通能運而愈矣如枳實理中湯之類又云

病者脹滿按之不痛為虛痛者為實可下之舌黃

未下者下之黃自去。正虛于內按以實其虛故不痛邪實于內按以實其實故

痛又云腹滿時減復如故此為寒當與溫藥。得煖必減

如理中湯加丁桂之類又云病腹滿發熱十日脈浮而數飲

食如故厚朴七物湯主之。又云按之心下滿痛者

此為實也當下之。下固可下要審其滿痛者為何物宜大柴胡湯。

又云。腹滿不減。減不足言。當須下之。宜大柴胡湯。  
已上諸脹諸滿。雖種種不同。然而無一不關于脾。  
胃者。蓋脾胃者。土也。居中而溉四藏。胸腹乃其城。  
府。胸腹脹滿。猶城府崩裂。未有城府崩裂。而土能。  
獨全者。有諸中。形諸外。此必然之理也。脉若見弦。  
知木來侮土。更爲不吉。若見數洪。必濕熱之變。若。  
見遲弱。乃陰寒所凝。浮則氣散。外雖滿而中必虛。  
緊則氣欬。外固堅而中更實。浮而大者。元氣之振。

堅氣數  
相之移  
代也証  
血未

作與病形相宜。故云可治。虛而小者。知元氣之衰。  
微。又與病形相反。故云危極。外有腸覃石瘕二種。  
女子之病也。寶鑑言之甚詳。以其類乎脹滿。故附  
錄於此。腸覃者。寒氣客于腸外。與衛氣相搏。氣不  
得榮。因有所繫。癖而內着。惡氣乃起。瘕肉乃生。其  
始生也。大如雞卵。稍以益大。至其成。如懷子之狀。  
久者難歲。按之則堅。推之則移。月事以時下。此其  
候也。夫腸者大腸也。覃者延也。大腸以傳導為事。  
乃肺之府也。肺主衛。衛為氣。得熱則泄。得冷

則癰、今寒客于大腸、故衛氣不榮、有所繫止而結、  
瘕在內、貼着其廷、久不已、是名腸覃也、氣散則清、  
氣聚則濁、結爲瘕聚、所以惡氣發起、瘕肉乃生、小  
漸益大、至期而鼓、其鼓如懷子之狀也、此氣病而  
血未病、故月事不斷、應時而下、本非姙娠、  
可以此爲辨矣、瑞露丸、木香通氣散、王、之、石瘕者、  
生于胞中、寒氣客于子門、子門閉塞、氣不得通、惡  
血當瀉、不瀉、蛭以留止、日以益大、狀如懷子、月事  
不以時下、皆生于女子、可導而下、大膀胱爲津液  
出焉、今寒客于子門、則氣塞而不通、血壅而不流、  
蛭以留止、結硬如石、是名石瘕也、此病先氣病而  
後血病、故月事不來、則可宜導而下出者也、難經  
云、任之爲病、其內苦結、男子爲七瘕、女子爲瘕聚、

神脈五傷者  
死唇黑傷肝  
缺盆平傷心  
臍凸傷脾足  
心平傷腎背  
平傷肺皆不  
治

此之謂也。非大辛之劑不能已。諸脹滿病。腹脹。身  
也。可服見覲丸。和血通經湯。熱或腹大脹。四末清。脫形。泄甚。或腹脹便血。其脉  
大時絕。或嘔欬。腹脹且飧洩。其脉絕。或面黑齒長  
而垢。腹脹閉。上下不通。或腹脹不得息。善噫善嘔。  
嘔則逆。逆則面赤。不逆則上下不通。不通則面黑。  
皮毛焦。或手足掌紋不見。或臍凸氣促等證。皆主  
必死。

附方

枳實理中湯

見第十七

金匱厚朴七物湯

厚朴

半斤

甘草

大黃

各三兩

大棗

十枚

枳實

五枚剉

桂枝

三兩

生薑

五兩

水一斗。煮四升。溫服八合。日三服。嘔者。加半夏

五合。下利。去大黃。寒多者。加生薑至半斤。

仲景大柴胡湯

柴胡

半夏

各半斤

黃芩

三兩

芍藥

三兩

生薑

五兩

枳實

四枚炙

大棗

十二枚

右七味。以水一斗二升。煮六升。去滓再煎。溫服一升。日三服。一方用大黃二兩。

寶鑑晞露丸 治寒傷于內。氣凝不流。結于腸外。

久為癥瘕。時作疼痛。腰不可伸。

京三稜

蓬莪朮

二味各一兩並酒浸入  
已豆三十粒切碎同炒

神日陰凝堅  
結神凝凝  
服此如日輪  
餘



深黃色去  
巴豆不用

乾漆

洗去腥  
炒竭盡

川烏

炮各  
半兩

礪砂

四錢  
另研

輕粉

一錢  
另研

茴香

鹽  
炒

青皮

去  
白

雄黃

另  
研

穿山甲

炒各  
三錢

麝香

五分  
另研

右爲細末。研勻。生薑汁煮麴糊和丸。如梧子大。  
每服二十丸。至三十丸。空心生薑湯下。溫酒亦  
得。

寶鑑木香通氣散 治寒氣結瘕。腹大堅滿。痛不

可忍。

木香

戎鹽炒

京三稜炮各半兩

厚朴一兩薑裏

枳實炒

甘艸炙各三錢

乾薑炮

蓬莪朮炮各二錢

右為末。每服三錢。食前淡生薑湯調下。

實鑑見睨丸 治寒氣客于下焦。血氣閉塞而成

痰聚。堅大久不消者。

附子

炮去皮臍四錢

鬼箭羽

紫石英各三錢

格日氣日  
取陰虛見之  
附子

澤瀉

肉桂

玄胡索

木香

各二錢

檳榔

二錢半

血竭

一錢半另研

水蛭

一錢炒

京三稜

五錢

桃仁

三十粒湯浸去皮尖

研

大黃

二錢剉用酒同三稜浸一宿焙

右十三味除血竭桃仁外同為末入另研二味

和勻用元浸藥酒打糊丸如桐子大每服三十

丸食前淡醋湯下溫酒亦得

寶鑑和血通經湯治婦人室女受寒月事不來

惡血積結。堅硬如石。

當歸

京三稜

炮各五錢

廣茂

炮

木香

熟地黄

肉桂

各三錢

紅花

貫衆

蘇木

各二錢

血竭

一錢另研

右十味。除血竭外。同爲細末。和勻。每服三錢。熱

酒一盞調下。食前。忌生冷。及當風大小便。

積聚脉證第七十二

分陰

分都出

成局

氣字

丁手

五藏爲積。六府爲聚。實強者生。沉細者死。

難經五十五難曰。積者。陰氣也。聚者。陽氣也。陰沉而伏。陽浮而動。又曰。積者。五藏所生。聚者。六府所成。越人以陰陽分藏府。既分藏府。自有五六之名。但歷考靈素積聚癥瘕之類。亦不全以藏府分也。如靈樞百病始生篇云。積之初成。必先身形自虛。而後外邪中傷。始於皮膚腠理毛髮。次絡脉。次經脉。次輸。次伏衝。次腸胃。次腸胃之外。募原之間。此

絕病在者字  
或起云勇者  
氣行則已弱  
者者者者者

言邪氣自淺入深之常道也。然亦有不必傳至極處。邪之所在。無論淺深。若有積留。卽積于彼。故本篇或伯又曰。或着孫脉。或着絡脉。或着經脉。或着於臂筋。或着于腸胃之募原。上連於緩筋。邪氣淫洩。不可勝論。後復詳言留着成積之病狀。曰。其着孫絡之脉而成積者。其積往來上下。臂手孫絡之居也。浮而緩。不能旬積而止之。故往來移行腸胃之間。水湊滲注。澹澹澹有音。有寒則臍脹滿雷引。

此時切痛。其着于陽明之經。則挾臍而居。飽食則  
大。饑則益小。其着于緩筋也。似陽明之積。飽食  
則痛。饑則安。其着于腸胃之募原也。痛而外連於  
緩筋。飽食則安。饑則痛。其着于伏衝之脉者。端之  
應手而動。發手則熱氣下於兩股。如湯沃之狀。其  
着於脅筋在腸後者。饑則積見。飽則積不見。按之  
不得。其着于輸之脉者。閉塞不通。津液不下。孔竅  
乾壅。此邪氣之從外入內。從上下也。又云。積之始

生。得寒乃生。厥乃成積也。又云厥氣生足悒。悒生  
脛寒。脛寒。則血脉凝滯。血脉凝滯。則寒氣上入于  
腸胃。入于腸胃。則膜脹。膜脹。則腸外之汁沫迫聚  
不得散。日以成積。又云。卒然多食飲。則腸滿。起居  
不節。用力過度。則絡脉傷。陽絡傷。則血外溢。血外  
溢。則衄血。陰絡傷。則血內溢。血內溢。則後血。腸胃  
之絡傷。則血溢于腸外。腸外有寒汁沫。與血相搏。  
則并合凝聚。不得散而積成矣。又云。卒然外中於



五藏爲  
寸藏氣  
通用難  
勿留結  
也

寒。若內傷于憂怒。則氣上逆。氣上逆。則六輸不通。  
溫氣不行。凝血蘊裏而不散。津液滯滲。着而不去。  
而積皆成矣。最後黃帝始曰。其生于陰者。奈何。岐  
伯曰。憂思傷心。重寒傷肺。忿怒傷肝。醉以入房。汗  
出當風。傷脾。用力過度。若入房汗出浴。則傷腎。此  
五藏之五傷也。雖不詳言成積之狀。謂之五藏所  
生可也。謂之卽成肥氣。伏梁。痞氣。息責。責脉。五積  
之因亦可也。據本篇全文。及素問脉要精微論云。

推而外之。內而不外。有心腹積也。又五藏生成論

云。赤脈之至也。喘而堅。診曰有積氣在中。時害于

食。名曰心痺。

赤乃其色。色赤而脈喘。堅則知為心痺。下文倣此。

白脈之至

也。喘而浮。上虛下實。驚有積氣在胸中。喘而虛。名

曰肺痺。青脈之至也。長而左右彈。有積氣在心下

支胛。名曰肝痺。得之寒濕。與疝同法。黃脈之至也。

大而虛。有積氣在腹中。有厥氣。名曰厥疝。黑脈之

至也。上堅而大。有積氣在小腹。與陰。名曰腎痺。又

平人氣象論云。寸口脉沉而橫。曰。脇下有積。腹中  
有橫積。痛。又云。盛喘數絕者。則病在中。結而橫。有  
積矣。又大奇論云。腎脉小急。心脉小急。不鼓。皆爲  
瘕。又云。三陽急。爲瘕。又靈樞邪氣藏府病形篇云。  
心脉微緩。爲伏梁。在心下。肝脉微急。爲肥氣。在脇  
下。若覆杯。腎脉微急。爲沉厥奔豚。又衛氣篇云。積  
痛可移者。易已也。積不痛難已也。又難經十八難  
云。診在右脇。有積氣。得肺脉結脉結甚。則積甚。結

堅硬按  
 于日緩  
 中健而  
 忽散無  
 常日度  
 腹內是  
 左有痛  
 如指如  
 日索  
 在兩肋  
 時而痛  
 皆積聚  
 別號即  
 王損之  
 地命名  
 非積  
 之外別

微則積微診不得肺脉而右脇有積者何也然肺  
 脉雖不見右手脉當沉伏又脉經云脉遲而濇中  
 寒有癥結又云弦急而癥小腹滿又為癥病又云  
 弦小者寒癥由是觀之則脉之小也微也小急也  
 弦急也沉也沉伏也遲也濇也實也數絕也沉橫  
 也結伏也長而左右彈也是皆陰寒欽實之脉則  
 知積之成也亦多屬陰寒陰寒則不能溫散而易  
 于凝着始則毫厘之堅日以增益如堆積然久久

也

動靜浮  
見此處  
分陰陽  
分精

則小者大。軟者堅。虛者實。無形者有形。越人言其始發也。有常處。其痛不離其部。上下有所終始。左右有所窮處。又云。積者。陰氣也。又云。陰沉而伏。皆中的之語。聚則不然。越人謂聚者。陽氣也。六府所成。又云。陽浮而動。病發無根。痛無常處。夫無根無常。則氣不留止。偶與氣血相搏。則邪正相干。氣聚而痛。氣散則解。非若積之留止不移不散也。如腸腹攻衝。疝瘕。癰熱。胸腹脹滿。切痛雷鳴等證。皆聚

此處以元本  
盛衰分生死  
極妙

之類也。古人論積聚，分藏府者，亦不過以沉伏畱  
止不移者屬陰，陰則爲藏，浮動聚散不常者屬陽。  
陽則爲府耳。治之者，當于畱止聚散上相機，不當  
于藏府二字上作工夫也。其脉實強者，陽脉也。一  
以徵邪正之相搏，一以徵元本之壯實，從府從陽。  
故曰生，其脉沉細者，陰脉也。一以徵邪氣之深入，  
一以徵元本之衰微，從藏從陰，故曰死。已上積聚  
二證，楫引靈素難經全置諸書，其病因病狀，可謂

通機四  
治積聚要  
溫行自無  
久養通氣  
前過夫何  
聚之有

詳且悉矣。但言證處不斬然。亦不全屬一證。故雖有○成○方○不○能○插○入○。今歷觀積聚之由。似○宜○溫○行○不○宜○寒○飲○。似○宜○運○動○樞○機○。不○宜○專○尚○攻○剋○。是選名方十九首。以便擇用焉。

附方

濟生大七氣丸 治積聚癥瘕。隨氣上下。心腹疝

痛。上氣窒塞。小腹脹滿。大小便不利。

京三棱

蓬莪朮

青皮

佐醫自攻利  
毒藥過用損  
真氣減半而  
敗

陳皮

各去

藁香葉

桔梗

去

肉桂

不見

益智仁

各一兩半

甘艸

炙七錢半

香附

炒去毛  
一兩半

咬咀。每服五錢。水二盞。煎一盞。食前溫服。

東垣肥氣丸 治肝之積。在左脇下。如覆杯。有頭

足。久不愈。令人咳逆瘕瘕。連年不已。其脉弦而

細。

柴胡

二兩

黃連

七錢

厚朴

半兩



甘艸

炙三錢

椒

炒去汗去目及閉口者四錢

廣茂

炮

昆布

人參

各二錢半

阜角

去皮弦子煨

白茯苓

去皮共一錢半

川烏

炮去皮腐一錢二分

乾薑

巴豆霜

各五分

右除茯苓阜角巴豆外爲極細末。再另研茯苓

阜角爲細末。和勻。方旋旋入巴豆霜和勻。煉蜜

丸如桐子大。初服二丸。一日加一丸。二日加二

丸。漸加至大便微澹。再從兩丸加服起。周而復

始積減大半。勿服。

東垣息賁丸 治肺之積在右脇下。覆大如杯。久

不已。令人洒淅寒熱。喘嗽發肺癰。其脉浮而毛。

厚朴

薑製八錢

黃連

炒一兩三錢

人參

去蘆

乾薑

泡

白茯苓

去皮另末

川椒

炒去汗

紫苑

去毛各一錢半

桂枝

去皮去倉

桔梗

京三稜

炮

天門冬

去皮去心

陳皮

川烏

炮去皮臍

白豆蔻

各一錢

青皮

五分

巴豆霜

分四

右除茯苓巴豆霜旋入外餘藥共爲細末煉蜜  
丸如桐子大每服二丸一日加一丸二日加二  
丸加至大便微澹再從二丸加服起煎淡薑湯  
食遠送下周而復始積減大半勿服秋冬加厚  
朴五錢通前一兩三錢黃連減七錢用六錢

全蠍甲煎丸

治瘰母

鼈甲

炙三兩

烏扇

燒

黃芩

此品味甚

冬一治久瘧

成債一治虛

勞風氣皆正

益邪若久不

生者非藥集

衆力改和兼

施百不易愈

鼠婦

微

大黃

桂枝

石葦

去毛

厚朴

紫葳

阿膠

各七錢半

乾薑

人參

瞿麥

桃仁

各五錢

柴胡

蜚蠊

旅各一兩五錢

芍藥

牡丹皮

麝蟲

炒各一兩二錢半

蜂窠

炙各一兩

葶藶

炒

半夏

各二錢半

赤消

三兩

右二十三味爲末。取段龜下灰一斗。清酒一斛。

五升浸灰。候酒盡一半。着鼈甲于中。煮令泛爛

如膠漆。絞取汁。內諸藥煎爲丸。如桐子大。空心

服七丸。日三服。千金方用鼈甲十二片。又以海藻三分。大戟一分。廬蠶五分。無

鼠婦赤消二味。以鼈甲煎和諸藥和丸。

東垣伏梁丸 治心之積。起臍上。大如臂。上至心

下。久不愈。令人煩心。其脉沉而芤。

黃連 去鬚一兩半 人參 去麋一兩半 厚朴 去麋皮薑

黃芩 三錢 肉桂 茯苓 去皮 茯神 去皮

丹參

各一錢

川烏

炮去皮臍

乾薑

炮

紅豆

菖蒲

巴豆霜

各五分

右除巴豆霜外。爲末。另研巴霜。旋入和勻。煉丸如桐子大。初服二丸。一日加一丸。二日加二丸。漸加至大便微瀉。再從二丸加服。淡黃連湯下。食遠。周而復始。積減大半。勿服。秋冬加厚朴半兩。通前共一兩。減黃連半兩。只用一兩。黃芩全不用。

半夏湯 治肺積息賁咳嗽

半夏 湯炮去滑焙乾 細辛 去苗葉

桑白皮 炙

前胡 去蘆各兩半 桔梗 炒

貝母 去心

柴胡 去苗 訶梨勒 煨去核

炙甘草

人參 去蘆 白朮 各一兩

右咬咀。每服三錢。水一盞。生薑三片。棗三枚。擘破。同煎至七分。去滓溫服。食後臨卧各一服。

東垣痞氣丸 治脾之積。在胃脘。腹大如盤。久不

愈。令人四肢不收。發黃疸。飲食不爲肌膚。其脉  
浮大而長。

厚朴

製半兩

黃連

去鬚八錢

吳茱萸

燒三錢

黃芩

白朮

各二錢

茵陳

酒製炒

縮砂仁

乾薑

炮各一錢半

白茯苓

另爲末

人參

澤瀉

各一錢

川烏

炮去皮臍

川椒

各五分

巴豆霜

另研

桂

各四分

右除茯苓巴豆霜另研爲末旋入。外餘藥同爲



細末。煉蜜丸。桐子大。初服二丸。一日加一丸。二日加二丸。漸加至大便微澹。再從二丸加服。淡

甘艸湯下。食遠。用而復始。積減大半。勿服。

東垣奔豚丸 治腎之積。發于小腹。上至心下。若豚狀。或上或下無時。久不已。令人喘逆。骨痿少氣。及治男子內結七疝。女子癥聚帶下。其豚沉而滑。

厚朴

薑梨  
七錢

黃連

炒五  
錢

苦練子

酒煮  
五錢

白茯苓

另末

澤瀉

菖蒲

各二錢

玄胡索

一錢半

附子

去皮臍

全蝎

獨活

各一錢

川烏頭

炮

丁香

各五分

巴豆霜

四分

肉桂

二分

右除巴豆霜茯苓另爲末旋入外餘藥爲細末

煉蜜丸如梧子大初服二丸一日加一丸二日

加二丸漸加至大便微澹再從二丸加服淡鹽

湯下食遠積減六分勿服秋冬加厚朴二兩通

前一兩二錢。如積勢堅大。先服前藥不減。于  
一料中。加存性牡蠣三錢。疳帶下勿加。如積  
滿腹。或半腹。先治其所起。是何積。當先服本藏  
積藥。諸疾自愈。是治其本也。餘積皆然。如服  
藥人覺熱。加黃連。氣短加厚朴。悶亂加桂。

三因奔豚湯

甘李根皮

焙

乾葛

川芎

當歸

白芍藥

黃芩

甘艸 錢各一

半夏 湯炮七次二錢

右作一服。水二鍾。薑五片。煎至一鍾。食前服。

萬病紫苑丸 見第三十二

太無神功助化散 專治男子婦人腹中痞塊。不

拘氣血食積所成。此方之妙。不可盡述。

地扁蓄 瞿麥穗 大麥蘖 錢各五

神麴 錢二 沉香 木香 錢各一

甘艸 錢五 大黃 兩二

右爲細末淨，候分兩和勻，男以燈心、淡竹葉二  
味等分煎，及無灰酒同調服。湯多于酒，婦人用  
紅花、燈心、當歸等分煎湯，及無灰酒同調服。酒  
多于湯，忌油膩動氣之物，及房事一月。藥須于  
黃昏服，大小便見惡物爲度。

寶鑑醋煮三稜丸 治一切積聚，不拘遠年近日。  
治之神効。

京三稜

四兩醋煮，梔子  
刀切片，脂草

川芎

二兩醋煮，  
微梔子切片

大黃

半兩醋浸濕紙裏煨過切

右爲末。醋糊丸如桐子大。每服三十丸。溫水下。

無時。病甚者。一月効。小者半月効。

實鑑聖散子 治遠年積塊及婦人乾血氣。

礪砂

大黃 各八錢

麥蘖 六兩炒取淨麴

乾漆

炒烟盡二兩

扁蓄

茴香 炒

檳榔

各一兩

婦人乾血氣加穿山甲 二兩炮

右爲細末。每服五錢。臨卧溫酒調下。仰卧。此藥

只在心頭。至天明大便如爛魚腸。小便赤為驗。  
藥並無毒。有神効。小兒用一錢。十五以上三錢。  
空心服之。更効。此按古方校定。今綱目刻本獨  
砂六兩。大黃八兩。豈不誤人。  
三聖散 消積塊。進飲食。

橘紅 一斤  
淨

甘艸 四兩

鹽 半兩

用水三四碗。從早煮至夜。以爛為度。水乾則添  
水。晒乾為末。淡薑湯調下。有塊者。加薑黃。半兩同  
前藥煮。氣滯加香附。二兩同前藥煮。氣虛者。

加沉香

半兩

另入。

噤口痢。加蓮肉。

二兩

去心另入。

控涎丹

見第二十二

雲岐牡丹散

治婦人久虛羸瘦、血塊走注、心腹

疼痛。

牡丹皮

桂心

當歸

玄胡索

各一兩

莪朮

牛膝

赤芍藥

各三兩

京三稜

一兩半

右爲粗末。每服三錢。水酒各半。鍾煎服。



三因化氣丸

見第三十二

保和丸

見第三十七

沉香化氣丸 專攻赤白青黃等色痢疾。諸般腹痛。飲食傷積。酒積。痰積。血積。跌撲損傷。五積六聚。胸膈氣逆痞塞。胃中積熱。中滿腹脹。癰痞茶癖。及中諸毒惡氣。傷寒大便不通。下後遺積未盡。感時疫氣。瘴氣。并諸惡腫瘡瘍腫毒。及食諸般牛畜等物中毒。不問婦人小兒。並皆治之。

大黃

綿裹者

黃芩

條實者各一兩

人參

官揀去蘆

白朮

去蘆肥者各三錢

沉香

上好角沉水者四錢另爲末

右將前四味剉碎。用雷竹瀝七浸七曝。候乾。爲極細末。和沉香末再研勻。用竹瀝入薑汁少許爲丸。如菉豆大。殊砂爲衣。晒乾。不見火。每服一錢。淡薑湯送下。小兒六分。

中惡脉證第七十三

中惡腹脹。緊細者生。脉若浮大。邪氣已深。

振則  
參非  
合開  
使症  
定証

不善之謂惡。暗襲潛侵。忽然倒仆。昏不知人。或手足厥寒。或肌膚粟起。或語言錯妄。或唇齒噤闔。或肢體不仁。或面目青黑。卽客忤卒厥。鬼擊飛尸之類。涉水登山。穿塚入廟。夜行露卧。弔死問喪者。多得之。然非正氣之大虛。邪亦不能一時中傷如此也。初宜灌以蘇合丸。候竅開氣轉。再以調氣平胃散與服。若服後吐下者。如六君子湯。香砂四君子湯。皆中的之藥。視與證相宜者。投之自無不効也。

人之正氣。自內達表。自胸腹而達四肢者。其常也。卒中外邪。則正氣不能達外。而反退縮于中。退縮于中。則氣機斂實。而緊細之脈象見矣。腹安得不脹。藥力一助。正氣必張。邪氣必散。緊者仍舒。細者仍充。而本來之面目可還也。故知其生。若脈浮大。則正先散越。散越于外。則裏更虛。裏更虛。則邪必深入。而欲爲之治。不亦難乎。

附方

蘇合香丸 見第十八

調氣平胃散

木香 烏藥 白豆蔻

檀香 砂仁 各一錢 藿香 一錢二分

蒼朮 一錢半 厚朴 薑汁炒 陳皮 各一錢

甘草 五分

水二鍾。薑三片。煎八分。食前服。

六君子湯 見第十六

香砂四君子湯

即日君子加砂仁木香見第十六

千金返魂湯

見第三十五

玉樞丹

即紫金錠見第六十三

華佗救中惡方 治一應忤惡鬼氣。

犀角末

五錢

辰砂

水飛過

麝香

研各二錢五分

每服二錢井水調下。如一時不能得此藥。用雄

黃末一錢煎桃枝葉湯調灌之。又無雄黃可用

着身上多時。避汗衣。或貼肉襯衣。男用女。女用

男燒存性。服二錢。百沸湯調下。

又方 韭葉搗汁滴鼻中。冬月用韭根。

又方 百會穴。人中穴。足大拇指。離甲一韭葉許。  
名鬼眼穴。及丹田。氣海諸穴。灸七壯。愈多愈妙。  
一二處醒。卽止。不必俱灸也。以炭火烹米醋薰  
鼻亦妙。諸急證。宜先以牙皂末搐鼻取嚏。牙關  
緊者。以烏梅肉擦之自開。皆通關之法。後可進  
藥。

俗賢曰斑痧  
為毒最厲屢  
見少年人生  
便毒服此則  
小便急痛欲  
死尿血尿肉  
者不可言曾  
以大劑木通  
滑石赤豆送  
下解之得免

砒毒 早禾稗燒灰新汲水淋汁絹濾過冷服一

碗得下利即安新汲水調白扁豆末亦好華佗  
用黑鉛磨濃水灌之

附子天雄川烏斑蝥毒 煮大小黑豆汁飲

河豚毒 倉卒無藥用清油多灌之得吐愈

巴豆毒 煮黃連汁飲

諸藥毒 甘艸黑豆淡竹葉等分六一碗煎服

刺毛蟲毒 疼痛不已蚯蚓泥乾搽又治胡蜂叮



世問  
不宜  
以病死  
有餘  
有大害

夢肉漏脯毒

夢肉露器蓋隔宿者漏  
脯芽屋漏下沾着者

燒犬尿酒

服方寸匕。生韭汁亦好。

馬肉毒 香豉二兩。杏仁三兩。蒸一飯時。杵之。酒

煎服。蘆根煮汁飲亦良。

牛肉毒 井艸煮汁飲之。卽解。

犬肉毒 心下堅。腹脹。口乾。發熱妄語。或洞下。杏

仁一升。不去皮。熟研。以沸湯三升和取汁。分三

服。利下肉片良。

中箭死鳥獸肉毒 大豆煮汁及鹽汁服之解

諸魚毒 橘皮煎濃汁飲之解。蘆根煮汁亦良。

蟹毒 紫蘇煮汁飲之。蘇子亦好。

諸果毒 猪骨燒過爲末。水服方寸匕。解。

諸菌毒 悶亂欲死。人糞汁飲一升。飲土漿一二

升亦良。大豆濃煮汁飲之。或服吐利藥。俱可解。

亦治楓樹菌毒。令人哭不止。哭一作笑

野芋毒 卽前方

佑賢曰小兒  
食白果多則  
吐涎沫不知  
入當急用白  
煮頭煎湯灌  
之能解

閉口椒毒 戟人咽喉氣欲絕。或吐白沫。身冷。用  
肉桂煎汁飲之。或多飲冷水。或食蒜。或飲地漿。  
俱良。

水蓼若葉毒 人每誤認作菜食。令人狂亂吐血。  
甘草煮汁飲之。卽解。

芹菜毒 手背腹滿痛。名蛟龍病。以芹上帶蛟蜃  
糞耳。用硬糖二三升煮服之。當吐如蜥蜴者。

貪食成病方 食多不消。心腹堅滿痛。用鹽一升。

水三升。煮鹽消化。分三服。當吐出食。

諸食物毒。煮葶艸薤白汁飲之。通能解。

醫燈續焰卷十三

錢塘後學潘 柎碩甫註

同邑社盟王佑賢聖翼評

梁州僑士望

門人余 禧亦社校

仇時御汝霖

癰疽脉證第七十四

癰疽浮數惡寒發熱。若有痛處。癰疽所發。脉數發熱。

醫燈續焰

卷十三

陸地身

讀癰疽分脈  
通再合末節  
向來俗醫誤  
讀

而痛者陽。不數不熱。不疼陰瘡。未潰癰疽。不怕洪大已潰癰疽。洪大可怕。

癰者。壅也。疽者。阻也。榮衛氣血。壅塞阻滯。鬱熱成膿之所致。有陰陽藏府之分。癰大而淺。疽小而深。大則氣鼓發。鼓發則向表而淺。小則氣收斂。收斂則近裏而深。淺則從府從陽。故易消易潰。深則從藏從陰。故難消難潰。易潰者。則毒從外洩。難潰者。則毒常內陷。此吉凶輕重之所由分也。方書謂其

先以衛氣失  
常提出再實  
中諸症分拆  
淺深臨症自

源有五。一曰天行昔氣。二曰七情內鬱。三曰體虛  
外感。四曰身熱搏于風冷。五曰食炙燔飲法酒服  
丹石等熱毒。雖分爲五。然總不外三因也。三因者  
一外因。如素問運氣等篇之太陽少陰陽明太陰  
少陽厥陰之客氣。以及所至所復。寒燥濕邪并熱  
淫所勝。歲火太過之發爲痹疹瘡瘍。癰疽瘡腫。又  
據脉要精微論。帝曰。諸癰腫筋攣骨痛。此皆安生。  
岐伯曰。此寒氣之腫。八風之變也。又生氣通天論

曰。勞汗當風。寒薄為皴。鬱乃癰。薄之淺則為皴。鬱之久則為癰。又

曰。陽氣者。開闔不得。寒氣從之。乃生大瘻。榮氣不

從。逆于肉理。乃生癰腫。腠理之開闔皆衛氣主之。衛氣失常則開闔亦不得

如常矣。邪因乘隙而入。結于筋絡。故成偃癰。邪若入陷於脉。則營亦不順。逆于肉理之中。久則結聚

為癰也。又素問氣穴論曰。邪溢氣壅。脉熱肉敗。榮衛

不行。即將為膿。內消骨髓。外破大腠。留于節腠。必

將為敗。邪留于節腠。絡谷之間。節腠。絡谷。神氣所注。必大為敗壞。豈僅消壞破腠而已。又

靈樞刺節真邪篇曰。虛邪之中人也。搏于脉中。則



以上移各  
苦心從此  
入思過半矣

為血閉不通則為癰

亦發氣不從義

又云熱勝其寒則爛

肉腐肌為膿內傷骨內傷骨為骨蝕

熱氣勝久則良肉腐化為

膿不外瀉而內入則爛及于骨傷不易生新則骨如虫之蝕也

又曰邪氣中之

凝結日以易甚連以聚居為背癰

凝結之久日漸增聚則日漸長

大矣不腐而大贅于形體其名曰瘡昔者風昔之謂言其久也

又曰骨與氣并日

以益大則為骨疽

邪附于骨久為骨疽

又曰有熱則化為膿

無熱則為肉疽

此邪結于肉者有熱久則肉腐為膿無熱久則肉化為瘰癧今疽瘰

內常有此類

一內因如素問陰陽別論曰三陽為病發

寒熱下為癰腫。

三陽者太陽也。太陽主表。故發寒熱。太陽走足。故下為癰腫。

又

素問氣厥論曰。腎移寒於脾。癰腫少氣。脾移寒於

肝。癰腫筋攣。

腎水寒氣反移凌于脾土。是為逆逆。則氣壅肌肉而為腫。以脾主肌肉。故

脾以寒氣反移凌于肝木。亦為逆逆。則氣不得壅肌肉而筋亦攣。腫以肝主筋故。

又素問

厥論曰。少陽厥逆。發腸癰。不可治。驚者死。

此言少陽逆行

之火若厥逆結聚為毒最甚。故不可治。若發驚是為入藏。主死。以驚屬心。藏則指厥陰。心包絡也。

又靈樞脈度篇曰。六府不和。則鬲結為癰。

府為陽陽主衛

衛氣不和。則鬲結于肌腠而癰腫矣。

又玉版論黃帝曰。病之生時。有

諸氣憤鬱皆  
屬于肺未有  
氣鬱而無衛  
流通者斯茲  
由情志而成  
故治法宜用  
遠志等劑至  
于五志相勝

喜怒不測。飲食不節。陰氣不足。陽氣有餘。營氣不  
行。乃發爲癰疽。陰陽不通。兩熱相搏。乃化爲膿。喜  
傷氣。飲食傷。發不測者。暴發之謂。暴則氣壅逆而  
陽有餘。不節者。從食偏嗜之謂。不節則五宮傷而  
營不足。陽有餘則氣聚而熱。陰不足則榮不行  
而熱亦勝。兩熱相搏。營衛不行。故化膿而成癰疽  
也。又陳無擇亦云。癰疽瘰癧。不問虛實寒熱。皆由  
氣鬱而成。蓋言喜怒憂思久鬱所致。治以遠志酒  
獨勝散。兼以五志相勝之理。乃善。如恐勝思。思不  
勝怒之類。內外因。如素問生氣通天論曰。膏粱之變。足生大

尤在攝生者  
審心

丁。受如持虛。足生者必生也又異法方宜論曰。東方之域。

天地之所生也。魚鹽之地。海濱傍水。其民食魚而

嗜鹹。皆安其處。美其食。魚者使人熱中。鹽者勝血。

故其民皆黑色。疎裏其病。皆爲癰瘍。其治宜砭石。

魚生于水。外陰而內陽。水之體也。動而不息。火之象也。火藏于外。陽蓄于內。美食久久。使人熱中。癰瘍之病。乃其常耳。

又有久服丹石法酒熱毒蓄中。發爲癰

疽疔腫。亦同膏粱之類。其脉浮數者。以血泣而氣

復從之。邪與正鬱。鬱則化熱。故數也。在表在陰。故

此症之候  
傷寒六日傷寒  
傷寒六日傷寒  
傷寒六日傷寒  
傷寒六日傷寒

浮也。正爲邪搏。則宜惕外衛之力薄。故復惡寒。據脈證。似與傷寒表證無異。但傷寒雖有痛。或在頭。或在身體。或在骨節。未有痛止于一處者。今痛止一處。而惡寒。此處必化熱爲膿。正癰疽所發之處也。卽傷寒論辨脈法所謂諸脈浮數。當發熱而洒淅惡寒。若有痛處。飲食如常者。蓄積有膿是也。如此者。乃爲陽毒。若脈不數。身不熱。所患之處不疼。是邪客陰分。不能鼓發。多致內陷。然必兼有煩悞。

諸病皆列外  
以其症形  
在外數貼刀  
刺所加散也  
不知症雖在  
外病由內生  
非謂然府  
絡及內外

嘔逆。胸膈不寧等證。否則不熱不疼。脉又不數。是  
一不病人也。何得謂之陰瘡。而反重于陽證耶。方  
癰疽之未潰也。無論成膿與否。熱邪鬱蓄。外不疏  
通。脉之鼓湧洪大。是其宜也。至于已潰。則熱泄邪  
解。而洪大之脉宜衰矣。潰而不衰。一派熱邪。正從  
何復。誠爲大可懼者。與素問評熱病論。所謂病溫  
者。汗出輒復熱。而脉躁疾。不爲汗衰。病名陰陽交  
者。同一義也。凡此癰疽瘍腫。自有專書。註固不能

此篇取法  
 今人則竊方  
 醫不空義理  
 其意則危為  
 其北篇大法  
 已情專精者  
 其意者立為  
 其意者入仕

畢述。然靈樞癰疽一篇。窮源別流。包括殆盡。恐業  
 外醫者。不能出其範圍也。故備錄于左。黃帝曰。余  
 聞腸胃受穀。上焦出氣。以溫分肉。而養骨節。通腠  
 理。獨氣源流中焦出氣如露。上注谿谷。而滲孫脉。津液  
 和調。變化而赤。為血。血和。則孫絡先滿。溢乃注于  
 絡脉。皆盈。乃注于經脉。陰陽以張。因息乃行。榮氣源流  
 行有經紀。周有道理。與天合同。不得休止。切而調  
 之。從虛去實。寫則不足。疾則氣減。留則先後。從虛

去虛補則有餘。血氣已調。形氣乃持。余已知血氣之平與不平。未知癰疽之所從生。成敗之時。死生之期。有遠近。何以度之。可得聞乎。岐伯曰。經脉流行不止。與天同度。與地合紀。故天宿失度。日月薄蝕。地經失紀。水道流溢。草薺不成。五穀不殖。徑路不通。民不往來。巷聚邑屠。則別離異處。血氣猶然。請言其故。夫血脉營衛。周流不休。上應星宿。下應經數。寒邪客于經絡之中。則血泣。血泣則不通。不



命名固巧註  
釋甚精

通則衛氣歸之。不得復反。故癰腫。

言衛氣因以閉聚而不得復返。

於平常流行之故道也。

寒氣化爲熱。熱勝則腐肉。肉腐則爲

膿。膿不寫。則爛筋。筋爛則傷骨。骨傷則髓消。不

骨空。

骨空。骨中之細孔。如繫眼者。所以通血液之滲灌。

不得泄瀉。血枯空

虛。則筋骨肌肉不相榮。經脈敗漏。薰於五藏。藏傷

故死矣。黃帝曰。願盡開癰疽之形。與忌曰名。岐伯

曰。癰發于盛中。名曰猛疽。

猛者猛烈。急速之謂。

猛疽不治。化

爲膿。膿不寫。塞咽半日死。其化爲膿者。寫則合。豕

膏冷食三日已發於頸名曰天疽

外在頸而內則入腋薰肺以其

最上故曰天

其癰大以赤黑不急治則熱氣下入淵腋

前傷任脉內薰肝肺十餘日而死矣陽氣大發消

腦留項名曰腦燔

樂消燔也烈火燔金之謂腦被其熱燥亦如之煩心者腎毒傳

心其色不樂項痛而如刺以針煩心者死不可治

發于肩及臑名曰疵癰其狀色黑急治之令人狂

出至足不害五藏癰發四五日逞

速也熇之發于腋

下赤堅者名曰米疽

言其小如粟米也

治之以砭石欲細

胸中衛氣所  
出之處名井  
者得非所出  
為井之取義  
耶

而長。踈砭之。塗以豕膏。六日已。勿裹之。其癰堅而

不潰者。為馬刀挾纓。急治之。

馬刀鈴鐺之屬。癰形似之。挾纓者。發于結

纓之處。大迎之下。頸側也。二處一在腋一在頸。常相連絡。故併名。歷串。

發于胸。名曰

井疽。

言其深也。

其狀如豆大。三四日起。不蚤治。下入腹。

不治。七日死矣。發于膺。名曰甘疽。色青。其狀如穀

實。欬。常苦寒熱。急治之。去其寒熱。十歲死。死後

出膿。

井屬土。此疽發于陽明胃經隱名也。卽乳癰之類。肉繁。如穀食之。蒂。如括。如子。

雖不卽死。亦不卽愈。

發于脇。名曰敗疵。

亦乳串之類。

敗疵者。女子

之病也。灸之。其病大癰膿。治之。其中乃有生肉。大如赤小豆。剉陵薤艸根。各一升。以水一斗六升。煮之。竭。爲取三升。則強飲厚衣。坐于簾上。令汗出至足已。發于股脛。名曰股脛疽。其狀不甚變而癰膿搏骨。不急治。三十日死矣。發于尻。名曰銳疽。尾骨盡處而尖銳故名。其狀赤堅大。急治之。不治。三十日死矣。發于股陰。名曰赤施。股陰足太陰厥陰二經所過之處火毒傷陰之甚則發此日未施者謂赤火之施發耳。不急治。六十日死。在兩股之內。不治。

十日而當死。發於膝。名曰疵癰。其狀大癰。色不變。

寒熱如堅石。勿石。石之者死。須其柔。乃石之者生。

諸癰疽之發于節而相應者。不可治也。發于陽者。

百日死。發於陰者。三十日死。節爲神氣之所遊行。出人若上下左右相

應而發者必死。發于脛。名曰兔齧。如兔之齧。傷故在脛。其狀赤至骨。

急治之。不治害人也。發于內踝。名曰走緩。弄害于足則走

緩而不能疾。其狀癰也。色不變。數石其輪而止其寒熱。

不死。發于足上下。名曰四淫。弄淫其末諸陽之本。敗矣。亦上下相應者。

其狀大癰。急治之。百日死。發于足傍。名曰厲癰。

厲癰

也。其狀不大。初如小瘡。發。急治之。去其黑者。不消

輒益。不治。百日死。

去其黑者。不爾則增多。

發于足指。名脫

癰。其狀赤黑。死。不治。不赤黑。不死。不衰。急斬之。否

則死矣。

不赤黑者。雖不死。亦欲其即棄去。不棄則急斬其指。不然則毒入指。脫而死。

黃

帝曰。夫子言癰疽。何以別之。岐伯曰。榮衛稽留于

經脉之中。則血液而不行。不行。則衛氣從之而不

通。壅遏而不得行。故熱。大熱不止。熱勝則肉腐。腐

列子生米  
武帝名

則爲膿。然不能陷骨髓。不能焦枯。五藏不爲傷。故  
命曰癰。黃帝曰。何謂疽。岐伯曰。熱氣淳盛。下陷肌  
膚。筋髓枯。內連五藏。血氣竭。當其癰下。筋骨良肉  
皆無餘。故命曰疽。疽者。上之皮天以堅。上如牛領  
之皮。皮天白如牛脊皮之堅厚也。癰者。其皮上薄以澤。此其候  
也。

### 癰疽雜述

鬼遺方云。癰之痛。只在皮膚之上。其發如火焚茅。

證方千無一  
失發其切實  
乃爾是萬古  
治癰疽之祖

初如黍米。三兩日如掌大。五七日如碗大。卽易治。

如腫冷。

熱不發

發渴。

邪熱在內

發逆。

邪攻裏而嘔

治之難愈。○

又云。疽發如小癰。觸則徹心痛。四邊微起如橘皮。

孔色紅赤。不全變。膿水不甚出。至七八日。疼悶喘

急。若始腫高。五七日忽平陷。此內攻之候也。○又

云。癰疽有三等。毒氣浮淺。屬府。毒氣沉深。屬藏。毒

氣猛烈而行經絡。或淺或深。無定。五藏六府皆受

五毒。難爲調理。唯宜于癰疽諸處。不問虛實。高腫



虛處易成漏  
近骨處易  
成瘰癧死生  
關係所在事

起盛光澤疼痛只在皮膚之上熱急脹滿或有瘰

癧別無惡候初用溫藥平氣次用排膿發穴

治瘰癧所謂

平氣者乃犀角飲之類其方用犀角連翹漏蘆并  
草當歸白芷皆發表之藥也所謂發熱者乃蘇針  
之類用皂角刺為君耳草用等乳香為佐使亦托  
裏之藥也然不若用白蜜垣許方發表託裏為穩  
當

疽發諸處不拘大小惟起在背廣一尺二尺三

尺皮厚紫黑高腫不常內疼如錐刺攻擊滿悶應

四肢重疼前心亦痛餘處發猶可唯虛處及近筋

骨處若膿毒未潰即傷爛筋骨肉損為疔者屬五

科者幸毋玩

如已見七惡  
之候而忽然  
平陷者死若  
無惡陷者非  
真氣虛寒必  
調護遲法知  
犯何逆急治  
毋遲

藏毒氣深沉。氣伏堅實。不宜緩治之。須內實五藏。  
外透皮膚。令軟勻和。卽膿透。宜用內托實藏氣之  
藥。排膿勻氣。乃可不比癰之毒氣淺也。并一類治  
之。

凡一切瘡腫。見有內攻之候。急以內托散。及內補  
湯藥。補填藏府。令實。最怕透膜。膜穿十無一生矣。  
○雙全善云。癰之邪淺。其稽畱壅遏。獨在經脈之  
中。而專攻于外。故初發時。自表便發熱。患處便如

碗如盆。高腫而痛甚者。縱欲下陷。緣正氣內固。不肯受。故或便秘。或發渴。發逆以拒之。是以骨髓終不焦枯。五藏終不傷也。疽之邪深。其稽留壅遏。內連五藏。而不專攻于外。故身體或無熱。患處或不腫。毒甚者。聲嘶氣脫。眼黑眼小。十指腫黑如墨。多死也。治之之法。癰之初發。當以絜古法爲主。表者散之。裏者下之。火以灸之。藥以敷之。膿未成者。必消膿。已成者。速潰。又當以鬼遺方爲主。補填藏府。

令實。勿令下陷之邪蔓延。外以火灸。引邪透出。使有穴歸着而不亂。則可轉死爲生。今外科不分癰疽。一例宜熱拔毒。外以五香耗其氣。內以大黃竭其血。終不能自悟其藥之非。惜哉。○集驗云。癰疽之名雖多。而其要則二。陰陽而已。發于陽者爲癰。爲熱。爲實。發于陰者爲疽。爲冷。爲虛。故陽發則皮薄色赤。腫高。多有椒眼數十而痛。陰發則皮厚色淡。腫硬。狀如牛頸之皮而不痛。又有陽中之陰。似

分陰分陽又  
分陰中之陰  
陽中之陽又  
分陰變陽  
辨症審脉真  
非俗醫所能  
了了

熱而非熱。雖腫而實虛。若赤而不燥。欲痛而無膿。  
既浮而復消。外盛而肉腐。陰中之陽。似冷而非冷。  
不腫而實。赤微而燥。有膿而痛。外雖不盛而內實。  
煩悶。陽中之陰。其人多肥。肉緊而內虛。陰中之陽。  
其人多瘦。肉緩而內實。而又有陽變而爲陰者。草  
醫涼劑之過也。陰變而爲陽者。大方熱藥之驟也。  
然陽變陰者。其證多。猶可返于陽。故多生。陰變爲  
陽者。其證少。不能復爲陰矣。故多死。然間有生者。

此醫偶合于法，百中得一耳。觀此，則癰與疽，但有陰陽深淺、內外虛實之分，而無大小之別。精要乃謂二寸至五寸爲癰，五寸至一尺爲疽者，謬矣。凡癰疽之脉，沉實發熱煩躁，外無欬赤痛，其邪深在裏，宜先踈通以絕其源。浮大數，欬腫在外，當先托裏，恐邪入內，不沉不浮，內外證無，知其經當和榮衛。○身無熱而脉數者，內有癰膿。○數脉不煩，見當生惡瘡。○諸癰腫欲知有膿無膿，以手掩腫。

明經絡辨氣  
血之多少乃  
治病之要術  
今人止據成  
方故錯悞者  
多取効者少

上熱者爲有膜。不熱者爲無膜。○人身之有經絡。猶地理之有界分。治病不知經絡。猶捕賊不知界分。其能無誅伐無過之咎乎。況手足十二經絡。有血氣多少之分。如手少陽三焦。足少陰腎。太陰脾。多氣少血。手厥陰心包絡。手太陽小腸。足太陽膀胱。多血少氣。手陽明大腸。足陽明胃。多氣多血。此其大較也。多血少氣者。易愈。多氣少血者。難療。氣多之經。可行其氣。血多之經。可破其血。不可執一

五善七惡知  
邪正之虛實  
病料之意

也。○瘡瘍有五善七惡。動息自寧。飲食知味。一善也。便利調勻。二善也。膿清腫消。不臭。三善也。神采精明。語聲清爽。四善也。體氣和平。五善也。煩躁時嗽。腹痛甚。或泄利無度。小便如淋。一惡也。膿血大泄。腫焮尤甚。膿色臭敗。痛不可近。二惡也。喘粗短氣。恍惚嗜臥。三惡也。目視不正。黑睛緊小。白睛青赤。瞳子上看。四惡也。肩背不便。四肢沉重。五惡也。飲食不下。服藥而嘔。食不知味。六惡也。聲嘶色



敗鼻青赤面目四肢浮腫七惡也五善見三則瘡  
七惡見四則危○元戎云瘡瘍自外而入者不宜  
灸自內而出者宜灸外入者托之而不內內出者  
接之而令外故經云陷者灸之灸而不痛痛而後  
止其灸灸而不痛者先及其潰所以不痛而後及  
良肉所以痛也灸而痛不痛而後止其灸灸而痛  
者先及其未潰所以痛而次及將潰所以不痛也  
○凡人初覺發背欲結未結赤熱腫痛先以濕紙

薛伯宗從施  
之法不知若  
何然程極治  
法宜密應為  
注

覆其上。立視候之。其紙先乾處。卽是結癰頭也。取  
大蒜切成片。如當三錢厚薄。安于頭上。用大艾炷  
灸之。三壯卽換一蒜片。痛者灸至不痛。不痛者灸  
至痛時方住。最要早覺早灸。爲上。一日三灸。十灸  
十活。三日四日。六七活。五六日。三四活。過七日。則  
不可救矣。若有十數頭。作一處生者。卽用大蒜研  
成膏。作薄餅鋪頭上。聚艾于蒜餅上。燒之。亦能活  
也。若背上初發赤腫一片。中間有一片黃粟米頭。

古云用藥如  
用兵欲知用  
兵之利者當  
先知用兵之  
害學者所當  
知之

子。便用獨蒜。切去兩頭。取中間半寸厚薄。正安于  
瘡上。着艾灸十四壯。多至四十九壯。○又頭爲諸  
陽所聚。艾煙宜少而小。若少陽分野。尤不可灸。灸  
之多至不救。亦有因灸而死者。蓋虛甚孤陽將絕。  
其脉必浮數而大。且鼓。精神必短而昏。無以抵當  
火氣。宜其危也。○方書治癰疽。用針烙者。乃用圓  
針如筴。如緯鋌。大頭圓平。長六七寸。一樣二枚。蘸  
香油于炭火中燒紅。于瘡頭近下烙之。宜斜入向

淺深處有大  
利有大害慎  
之慎之

軟處。一烙不透。再烙必得膿也。總要用得其宜。若  
毒深針淺。膿不得出。毒淺烙深。損傷良肉。不當其  
所。他處作頭。此皆不能愈疾。反增痛苦。○又有用  
砭鎌者。此血實者宜決之。砭鎌者。磁鋒之類。未熟  
而決。以洩其毒。不可太深。所謂刺皮無傷肉。不可  
輕用。○又有敷貼之法。初生之瘡。腫似有頭而未  
起。卽當貼溫熱藥。引出熱毒。火就燥之義。若瘡腫  
初生。卽高起。四畔焮赤。宜搗生寒藥貼之。折伏其

此貼有期亦  
要留意

解漬之法使  
不逆於肉理  
也

熱勢驅逐其邪惡。撲火之義。大抵敷貼之法。欲消  
散腫毒。疏通血脉。寒熱錯綜。皆期於不成膿也。○  
又有用淋洗法。瘡腫初生。一二日不退。須用湯水  
淋射之。其在四肢者。濡漬之。其在腰腹及背者。淋  
射之。其在下部委曲者。淹漬之。無非疏通腠理。通  
調血脉。使無凝滯耳。

### 將護法

大凡瘡疽初生。皆如黍粒。其狀至微。人多忽視。因

服藥有方將  
護有法自然  
重者輕者  
安者不問  
皆當加意

成大患。能防於未形。理於未成。朝覺夕治。則必無  
危困矣。否則膿血結聚。毒入深沉。束手待斃。悔之  
何及。夫以不貲之軀。緩慢自忽。更托命庸醫。任其  
措置。危殆可立而至。故醫不可不擇。然當知其飽  
讀經書。久諳疾候。洞明色脉。湯藥熟開。更平素仁  
善孝義。臨事不惑者。方爲良醫。而濟我事也。又要  
在病人自克。不可恚怒悲憂。叫呼愈恨。及驕性情。  
縱口腹。任勞役。惟宜恬澹耐煩。至如患人左右。尤

宜止息煩雜。一切打觸器物。諸惡音聲。爭辯是非。  
咒罵鬭毆。產婦淫男。體氣不潔。腥羶穢濁。雞犬畜  
獸。並須遠離。設親友問疾者。可以預囑徐行。低聲  
款曲。禮畢躬退。勿令咨嗟驚訝。話舊談新。妄言虛  
實。亂舉藥方。久坐多言。重叠省問。勞煩病體。惑亂  
性情。爲害非淺小也。其侍患者。宜壽近中年。性情  
仁厚。調治藥物。無失其時。畜中勿食野獸。自死有  
病之肉。水族勿食異狀雜魚。及父母自身本命生

食物即是藥  
品一利一害  
關係非小指  
出示人為利  
害矣

屬蔬中勿食不時無名大熱大寒滑泄之菜果中  
勿食不時酸澁難化及蟲蛀之物止宜黃白粱米  
稀粥軟飯瓜薺蘿菀薑醬及酥爛潔淨猪羊等肉  
勿令過饑勿令太飽此時猶忌一應麪果炙燂煎  
炒肥甘厚味若肌膚將平惡肉去盡瘡口收斂尚  
忌起立行步揖待賓客房室宴會嗔怒沐浴登陟  
遨遊衝寒冒暑直待瘡癥平復精神如故氣力完  
全方無所忌百日内慎勿觸犯之此篇不但將護



瘡疽卽一切虛損久疾。信能奉行。自然大有裨益。故錄出與世共寶之。

附方

遠志酒 治一切癰疽發背。癰毒惡候。有死血陰毒在中。則不痛。傳之卽痛。有憂怒等氣內攻。則痛。傳之卽不痛。或蘊熱在內。手不可近。傳之清涼。或氣血虛而不飲。傳之自飲。

遠志

不以多少泔浸  
搥去心乾爲末

酒一盞。調末三錢。澄清飲之。以滓傳于患處。

獨勝散 治癰疽。皆緣血滯氣凝而致者。

香附子

去毛令淨以生薑汁淹一宿焙乾研極細

右無時。以白湯調二錢服。又云疽多因怒而得。但服香附。進食寬氣。自有神効。

人參敗毒散

見第三十七

飛龍奪命丹 專治疔瘡發背。胸疽吹乳癰疽。一

切無名腫毒。惡瘡無頭者。服之有頭。不痛者。服

之知痛。已成形者。服之立愈。危急者。服之無失。

蟾酥

乾者酒化

雄黃

各二錢

膽礬

寒水石

各一錢

乳香

沒藥

銅綠

各二錢

輕粉

麝香

各五分

海洋

即蝟牛連殼二十一箇

硃砂

一作一錢

爲末。先將海洋研爲泥。和末丸。菜荳大。丸不就。

加好酒多杵。每服三丸。用葱白三寸。令病者嚼。

爛。吐於男左女右手心。將爛葱裹藥。無灰酒三。

四盞。溫熱送下。避風蓋煖卧。約人行五里許。飲  
熱酒助藥力。發熱大汗爲度。重不過三服。

蟾酥丸 治疔黃一切惡瘡

川烏

蓮花蕊

硃砂

各一錢半

乳香

沒藥

各二錢

輕粉

蟾酥

各一錢

麝香

五分

爲末。糊丸。菉豆大。每服一丸。病重者二丸。飯前  
奪命丹服法取汗。

起自以上  
三石為藥料  
神劑當預備  
救入

真人活命飲 治一切癰疽腫毒。

川山甲

三片切碎  
蛤粉炒

天花粉

井艸節

乳香

白芷

赤芍

貝母

各一錢

防風

七分

沒藥

皂角刺

各五分

當歸尾

酒洗

陳皮

各一錢半

金銀花

三錢

在背。皂刺為君。在腹。白芷為君。在胸。加薤仁二

錢。在四肢。金銀花為君。疥瘡。加紫河車草三錢。

作一貼。老酒鐘半。煎一鍾。溫服。煎須用大瓦器。  
紙封口。勿泄氣。服看證。上下饑飽服之。能飲者。  
再飲數杯。忌酸物鐵器。宜服於未潰之先。

護心散 治發背癰疽。發腦。發髭。腦虛頭暈。風濕  
等證。

甘草

炙 錢

萊菔粉

炒 二錢

硃砂

研水飛 過一錢

右爲細末。作一服。白湯調下。

防風通聖散

見第六十一

神効托裏散 治癰疽發背。腸癰如癰。無名腫毒。

煑赤疼痛。憎寒發熱。不問老幼。並治之。

黃耆

去蘆 五兩

當歸

一兩 八錢

粉草

炙 八錢

忍冬藤葉

五兩

右爲細末。每服五錢。酒一盞半。煎至一盞。病在

上。食後服。在下。食前服。少頃再進。留滓外傳。

正鐵絇散

貝母

去心

白芷

蒼耳草灰

醋拌 晒乾

佑賢曰美蓉  
涼血養耳祛  
風散熱敷患  
處四圍者不  
使毒氣散漫  
也露頭者亦  
令毒氣外出  
也

各二兩

或加龍骨二錢尤妙

右為細末。水調。或香油調。貼瘡上。

鐵井欄 治無名腫毒。或背疽。

芙蓉葉 重陽前收 蒼耳 端午前收

右同研細。以蜜水調敷患處四圍露頭。

補中益氣湯 見第三十九

玉樞丹 見第六十三

十全大補湯 見第十六



當歸補血湯

見第十六

神仙太乙膏 治一切癰疽瘡毒已潰未潰者如  
瘻背以溫水洗淨軟絹拭乾用緋帛攤貼更爲  
丸冷水送下血氣不通溫酒下赤白帶當歸酒  
下咳嗽及喉閉纏喉風並用新綿裹置口中噙  
化一切風赤眼捏作小餅貼太陽穴更以山梔  
子湯下打撲傷損外貼內服橘皮湯下腰膝痠  
貼患處鹽湯下唾血桑皮湯下以蛤粉爲衣其

膏可收十餘年不壞。又治療癰。用鹽湯洗貼。酒  
下一丸。楊梅瘡。潰爛者尤效。婦人經脉不通  
腹痛。其艸湯下。并攤貼之。疥瘡。用麻油煎滾。和  
膏塗之。虎火蛇蝎傷。刀斧傷。皆可內服外貼。

玄參

白芷

當歸

赤芍

肉桂

大黃

生地

各一兩

麻油二斤。入銅鍋內。煎至黑。濾

去滓。入黃丹十二兩。再煎。滴水掄軟。硬得中。卽

成膏矣。腫毒跌撲疼痛。加乳香沒藥。

製丹法。黃丹先炒紫色。傾缸內。用滾水一桶泡之。再汲凉水滿缸。用棒常攪。浸一宿。去水。再炒如前二次。方研令極細用。

### 替針丸

雄雀糞

二十粒

硃砂

陳倉米

沒藥

各一字

右研勻。以米飯丸。如粟大。每用一粒。貼瘡口眼。

佑賢曰。雀糞  
補能爛好  
肉故可代針

中。卽潰膿出。

六君子湯

見第十六

闔藥

南星

草烏頭

黃蘗

白蒺

各二兩

五倍子

炒一兩

右爲細末。調如糊。隨血圍匝如墻壁。可移險處於不險處如神。

金絲萬應膏

治癰撲損傷手足肩背并寒濕脚

醫方秘  
其得力  
安在自茲

此膏  
功在行瘀消  
滯

氣疼痛不可忍。小兒脾疳。瀉痢。咳嗽。不肯服藥者。

瀝青

二斤半

威靈仙

黃蠟

各二兩

蓖麻子

一百個  
去殼研

沒藥

乳香

各一兩  
別研

麻油

夏二兩  
春秋三兩  
冬四兩

木鱉子

二十八個  
去殼切片子研

右先將瀝青同威靈仙下鍋熬化。以槐柳枝攪

候焦黑色。重綿濾過。以瀝青入水盆。候冷成塊。

取出秤二斤淨。再下鍋鎔開。下麻油黃蠟蓖麻

醫燈續焰

卷十三

二十五

腫痛

木鱉子泥。不佳。手槐柳枝攪勻。須慢火。滴入水中。不黏手。扯拔如金絲狀。方可。如硬。再旋加油。少許。如軟。加瀝青。試得如法。却下乳沒末。起鍋。在炭火上。再用槐柳枝攪數百次。又以粗布濾膏。在水盆內。扯拔如金絲。頻換水浸一日。却用小銚盛。如跌撲傷。於疼痛處。火上炙熱貼。透骨肉爲驗。連換熱水數浴之。則血瘀自消。小兒脾疳。貼患處。瀉痢。貼肚上。咳嗽。貼背心。

八珍湯

見第十六

疥瘡大楓膏 治一切乾濕疥瘡并膿窠爛瘡。

大楓子

二兩  
去殼

枯礬

四兩

蛇脫

燒存性

樟腦

蜂窠

燒存性  
各三分

水銀

五分局  
錫死之

柏油燭

四兩

楓子諸藥爲末。入燭油。次入水銀。搗勻塗擦。

桃花隔紙膏 貼久患癰瘡如神。驗過千百矣。

上好透明松香水。煮。隨換水。煮數十次。以色白

味不澁苦為度。研細入上上飛丹十分之四。再研勻。用猪板油去膜切碎。同藥搗勻。攤油紙上。作隔紙膏。上針刺多孔。先將苦茶洗患處淨。拭乾貼上。以絹帛緊包紮。一日一換。雖二十年癰瘡。不消十紙。

千槌膏 治療癰。

瀝青

一兩

杏仁

去皮十粒半

蓖麻仁

四十粒

同搗爛。初搗甚燥。如不能成膏者。搗干下。則漸



佑賢曰陳小  
枋當於羅磨  
店多年缸口  
上刮之

柔粘矣。用布攤貼未潰消已潰出核。

烏龍膏 治一切癰疽發背無名腫毒初發煎熱

未破者。

用陳年小枋不拘多少入鍋炒令成黃黑色取出待冷。碾極細以陳米醋調稀稠得所。如過稀微火熬之。其色如漆。用磁瓶收貯。遇有腫毒量腫大小用榜紙攤成膏藥中剪一孔露出毒頭貼上疼痛即止。少頃覺痒久則腫毒自消甚効。

佐賢曰凡石  
藥用大煨須  
停久出火毒  
研末須極細  
如塵庶不滯  
著

麥飯石膏 治膿潰後圍瘡口

白麥飯石

石者其色有青黑白紅點相間惟熟

煨為佳以炭火煨至紅以好米醋淬之如此

煨淨十數次研為末重羅去粗者取細末入

乳鉢數人更遞研五

白欵 二兩研為細末

鹿角灰

不用自脫者須用帶腦頂骨全者即是

盡研羅為末再入乳鉢

更通研令極細二兩

右三味最要研得極細方有效粗則反致甚痛

細則大能止痛收口排膿

精粗之異如此和合量藥末

多寔用陳好米醋入銀石器內熬令魚眼沸却  
旋旋入藥末用竹篾子不住手攪熬一二時久  
令稀稠得所提出以磁器盛之候冷以紙蓋覆  
勿令着塵用時先以猪蹄湯洗去膿血以軟絹  
挹乾驚翎蘸膏塗傅四圍凡有赤處盡塗之但  
畱中心一口如錢大未潰能令內消已潰則排  
膿如湍水逐日令口收斂瘡久肌肉腐爛筋骨  
出露用舊布片塗藥貼瘡但內膜不穿亦能取

安洗瘡勿可手觸歟。亦不可口氣吹着。合藥亦忌敗血之人。及月經有孕婦人見之。仍可熬好米醋一大碗。收磁器內。候逐日用藥。如瘡上久則藥乾。以鷺翎蘸醋拂拭藥上。勿令燥也。初則一日一洗一換藥。十日後兩日一換。

古方云。麥飯石。顏色黃白。類麥飯。曾作磨者尤佳。按麥飯石。不可作磨。狀如麥飯團。生粒點。如無此石。當以舊麵家磨近齒處石代之。取其有

麥性故也。或溪中尋白石如豆如米大者。即是也。其石大小不等。或如拳。如鷄卵。略如握聚一團麥飯。

精要神異膏 治諸般惡毒瘡癰。發背癰疽。其妙

如神。

露蜂房

要用蜂見多者爲妙細剪淨一兩

全蛇蛻

鹽水洗淨焙乾

玄參

去蘆各半兩

綿黃耆

七錢半

黃丹

五兩研細後入

杏仁

去皮尖切小片一兩

男子亂髮

洗淨焙乾如雞子大

真麻油

斤一

右伴藥。先將麻油入銀銚中。同亂髮於風爐上。慢慢文武火熬。候髮焦熔盡。以杏仁投入。候杏仁色變黑。好綿濾去滓。再將所熬清油入銀銚內。然後入黃耆玄參二味。慢火熬一二時。取出銚子。安一冷風爐上。候半時久。火力稍息。旋入露蜂房蛇蛻二味。將柳枝急攪。移銚于火上。不住手攪。慢火熬至黃紫色。用綿濾過。後復入清

油在鉢內。乘冷投黃丹。急攪片時。又移鉢於火上。文武火慢慢熬。不住手用柳枝攪千餘轉。候藥油變黑色。滴於水中。凝結成珠子。則是膏成就矣。若珠子稀。再熬少時。必候得所。然後用瓦器內封收待用。或恐偶然熬火太過。稍硬難用。却入少蠟熬添麻油在內。瓦器盛封。蓋于甕上。蒸乘熱攪勻。收而用之。膏藥落成了。須用所盛瓦器置淨水盆中。出火毒一晝夜。歇三日方可。

用。熬此膏藥。極難于火候。須耐煩看火。驕慢。火

猛。卽藥中火發。千萬謹戒。

膏藥方甚多。効無過於此。

內托復煎散。 焮腫于外。根盤不深。形證在外而  
其脉浮者。病在皮肉。非氣盛。則必僂於內。急宜  
服之。托裏健胃。

地骨皮

黃芩

茯苓

芍藥

人參

黃耆

白朮

桂

升麻



防已

當歸

各一兩

防風

二兩

先以蒼朮一斤。水五升。煎三升。去朮。入前藥。再煎至三四盞。取清汁。分三四次。終日飲之。如未已。再煎半料飲之。如大便秘。煩熱。少服黃連湯。如微利。及煩熱已退。仍與此散。使榮衛俱行。邪氣不能內傷也。

神仙蠟礬丸

治癰疽及腸癰。托裏消毒。固藏府。

止疼痛。

黃蠟

兩二

明礬

兩三

先將黃蠟溶開。離火待少溫。入礬末和勻。衆手  
急丸如桐子大。每服二三十丸。食前酒下。每日  
二服。此藥不惟定痛生肌。且護膜止瀉。消毒化  
膿。內癰排膿。托裏之功甚大。金石藥毒發疽。非  
此莫治。更用白礬爲末。每日酒服一錢。尤効。有  
遍身生瘡。狀如蛇頭者。尤宜服之。每日百丸。若  
蛇蝎并一切麥蟲所傷。溶化熱塗患處。內更服。

之。毒即解。服至三四兩以上。愈見其功。此宜于  
癰毒潰後服之。腸癰尤効。

癰疽收口藥

白龍骨

白蘇

乳香

沒藥

各半分

爲末摻之

比天膏

此淮安王寡婦家秘傳

麻黃

川芎

白芷

薄荷

草烏

全蠍

各二兩

防風

連翹

黃芩

黃連

大黃

知母

貝母

當歸

蒼朮

羌活

桔梗

柴胡

荊芥

五倍子

海螵蛸

白芨

川山甲

木鱉子

大楓子

蛇蛻

梔子

血餘

各三兩

椿皮

桑枝

槐枝

柳枝

各二十許者  
各二十錢

片腦

錢一

麝香

錢二

乳香

沒藥

各五錢

龍骨

血竭

各三錢

輕粉

二兩

赤石脂

三錢

右麻黃等粗藥。入麻油內浸一宿。文武火熬。至藥枯黑色。去滓再熬。滴水成珠。每油二斤。入蜜佗僧一斤。收成膏。下片腦細藥柳枝。不住手攪。入水中。出火毒。收用。

治癰疽發背。無名腫毒。疔瘡癰癤。鼠瘡癰瘡。棒瘡刀傷。便毒魚口。風癰頑瘡。多日不滿。口常流膿水。婦人吹乳奶疽。瘡癰等項。先將花椒湯洗淨貼。○肩背風吹。兩膊酸疼。貼肩井穴。左右肘

疼貼曲池穴。○風寒濕氣腰腿大酸麻貼患處。○兩曲膝冷痛貼膝眼上。脚氣舉發貼疼處。○跌打損傷貼患處。○以上諸證俱用食鹽炒熱布包熨患處令透毛孔方貼之。

仙傳萬靈膏  
忌用鐵鍋煎

羌活 獨活 山梔 兩頭尖

官桂 玄參 大黃 五倍子

當歸 白芷 皂角 天花粉

赤芍

生地

熟地

山茨菰

防風

黃連

川芎

紅牙大戟

連翹

桔梗

白芨

各六錢

木鱉子

二十粒去殼

白蘞

苦參

各六錢

川山甲

十片

草薺子

八十粒去殼

杏仁

四十粒

血餘

四兩

槐枝

柳枝

桑枝

寸許長者各三十段

巴豆

三十粒去殼

用麻油二斤四兩。春秋浸三日。夏浸二日。冬浸

五日。熬枯黑色。去滓再熬。滴水成珠。每油二斤

下飛丹一斤。松香三兩。黃蠟二兩。桐油二兩。熬不老不嫩。稍冷。入乳香沒藥各六錢。血竭。阿魏。孩兒茶。百草霜。輕粉。馬莧膏。各三錢。桑枝攪勻攤貼。

治癰疽發背癰瘡。用火烘手熱。摩百餘下。貼已出膿者。不必摩。○疥癬瘡。搔癢貼。○風癩。用木鱉子。火煨研爛。置膿上貼。○無名腫毒。貼患處。○跌撲刀斧傷。貼患處。○目痰壅塞。貼心上。熱



手摩百下。○痞塊。木鱉子研爛。置膏藥上貼之。  
以皮硝一兩。鴿糞五錢。蒜二個。搗勻。用麪作一  
團。圍定在膏藥外熨斗火運藥上。令氣透。○蠱  
脹。加煨木鱉貼心下臍上。熱手摩百次。○癰癰  
濕氣痛。加煨木鱉貼患處。手摩百下。○月經不  
調。貼血海穴。手摩百下。

### 解輕粉毒

用佛前照過陳年琉璃。燒存性。爲末。每服二錢。

俗言曰跌撲  
金瘡只用陳  
石灰一味拌  
非藥汁晒乾  
爲末敷之止  
痛散血妙不  
可當

酒調下。日服一二次。一月全愈。

花蓋石散 治一切打撲金刃傷損。身體出血者。  
急于傷處。搽藥。其血化爲黃水。如有內損。血入  
臟府。熱煎童便。入酒少許。調一錢服之。若牛觝  
腸出不損者。急送入。用桑白皮爲線縫合。搽藥  
血止立活。如無桑白皮。用生麻縷亦可。不得封  
裹瘡口。恐作膿血。以竹夾兩邊皮起。亦好。如瘡  
乾。以津液潤之。然後搽藥。婦人產後。敗血冲心。

胎衣不下。並用童便調服。

硫黃

明淨者四兩  
兩搗粗末

花蕊石

一兩搗粗末

二味拌勻。先用紙筋和鹽泥。固濟罐子一個。候泥乾。入藥於內。再用泥封口。候乾。置四方磚上。書八卦五行字。用炭一秤。籠疊周圍。自巳午時後下火。令漸漸上微。直至經宿。火冷炭消。又放經宿。罐冷。取出。研貯磁瓶內。收用。

醫燈續燭卷十三終

醫燈續燭卷十三

二十六

卷十三